

III. OUTRAS DISPOSICIÓNS**AXENCIA INSTITUTO ENERXÉTICO DE GALICIA**

EXTRACTO da Resolución do 28 de xuño de 2024 pola que se establecen as bases reguladoras e se anuncia a convocatoria de subvencións para proxectos de aforro e eficiencia enerxética nas empresas galegas para o ano 2024, cofinanciadas polo Fondo Europeo de Desenvolvemento Rexional no marco do programa Galicia Feder 2021-2027 (código de procedemento administrativo IN417Y).

BDNS (Identif.): 774451.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións (<http://www.pap.minhap.gob.es/bdnstrans/index>).

<https://www.infosubvenciones.es/bdnstrans/GE/es/convocatoria/774450>

Primeiro. *Beneficiarias*

1. Poderán ser beneficiarias das subvencións, sen prexuízo de reunir os demais requisitos establecidos nestas bases:

a) As empresas legalmente constituídas e as persoas autónomas que teñan domicilio social ou algún centro de traballo en Galicia.

b) As empresas de servizos enerxéticos que xestionen total ou parcialmente instalacións consumidoras de enerxía e que o obxecto destes contratos de servizos sexa a consecución de aforro económico derivado dun menor consumo de enerxía. Os centros de consumo en que se actúe deben estar situados en Galicia e corresponder a entidades incluídas no ámbito de actuación das presentes bases.

Segundo. *Obxecto*

Concesión de subvencións para realizar proxectos de aforro e eficiencia enerxética nas empresas galegas que cumpran cos requisitos e condicións establecidos no articulado destas bases reguladoras.

Terceiro. *Bases reguladoras e convocatoria*

Resolución do 28 de xuño de 2024 pola que se establecen as bases reguladoras e se anuncia a convocatoria de subvencións para proxectos de aforro e eficiencia enerxética

CVE-DOG: 9m81rif3-2zf6-zev6-7rx8-kziidw5r6ug0



nas empresas galegas para o ano 2024, cofinanciadas polo Fondo Europeo de Desenvolvemento Rexional no marco do programa Galicia Feder 2021-2027 (código de procedemento administrativo IN417).

Cuarto. *Contía*

1. A intensidade da axuda vai en función do regulamento de aplicación:

a) Solicitudes acollidas ao Regulamento (UE) nº 2023/2831 *de minimis* (empresas con actividade de transformación e comercialización de produtos da pesca e da acuicultura):

1º. A contía da subvención será do 35 % do custo subvencionable da actuación. A intensidade da axuda incrementarase un 20 % no caso de axudas concedidas a pequenas empresas e un 10 % no caso de medianas empresas.

b) Solicitudes acollidas ao Regulamento (UE) nº 651/2014 (Regulamento xeral de exención por categorías) destinadas a medidas de eficiencia enerxética en edificios.

A contía da subvención será do 20 % do custo subvencionable da actuación. A intensidade da axuda incrementarase un 20 % no caso de axudas concedidas a pequenas empresas e un 10 % no caso de medianas empresas.

c) Solicitudes acollidas ao Regulamento (UE) nº 651/2014 (Regulamento xeral de exención por categorías) destinadas a medidas de eficiencia enerxética distintas das dos edificios.

A contía da subvención será do 35 % do custo subvencionable da actuación. A intensidade da axuda incrementarase un 20 % no caso de axudas concedidas a pequenas empresas e un 10 % no caso de medianas empresas.

2. Para axudas de máis de 100.000 €, límitase a axuda segundo o aforro enerxético xustificado conforme a seguinte táboa. Para os efectos da aplicación deste límite no caso de proxectos da liña PAP, utilizarase a epígrafe específica para esta tipoloxía de proxectos:

Tipoloxía do beneficiario	Axuda máxima en función do aforro enerxético
Pequena empresa	Se AEF < 80 MWh/ano: AM = 100.000 Se AEF ≥ 80 MWh/ano: AM = AEF × 1.250
Mediana empresa	Se AEF < 100 MWh/ano: AM = 100.000 Se AEF ≥ 100 MWh/ano: AM = AEF × 1.000
Gran empresa	Se AEF < 150 MWh/ano: AM = 100.000 Se AEF ≥ 150 MWh/ano: AM = AEF × 675
Proxectos de aforro e eficiencia enerxética en infraestruturas públicas (PAP)	Se AEF < 80 MWh/ano: AM = 100.000 Se AEF ≥ 80 MWh/ano: AM = AEF × 1.250



Onde:

AEF = aforro enerxético anual de enerxía final en MWh/ano.

AM = axuda máxima por expediente en función da tipoloxía de beneficiario e o aforro enerxético en euros.

3. Establécese unha axuda máxima por expediente de 300.000 euros, no caso de acollerse ao Regulamento (UE) nº 2023/2831 *de minimis*, e de 1.000.000 euros no caso de acollerse ao Regulamento (UE) nº 651/2014 (Regulamento xeral de exención por categorías).

4. A axuda máxima por entidade beneficiaria no conxunto da convocatoria será de 2.000.000,00 euros.

Quinto. *Prazo de presentación de solicitudes*

O prazo de presentación de solicitudes comezará o día seguinte ao da publicación desta resolución no *Diario Oficial de Galicia*, ás 9.00 horas, e finalizará o 15 de setembro de 2024, ás 23.59 horas.

As solicitudes presentaranse na páxina web do Inega, accesible desde a sede electrónica da Xunta de Galicia, <https://sede.xunta.gal>, e obrigatoriamente por medios electrónicos a través do formulario normalizado.

Santiago de Compostela, 28 de xuño de 2024

Pablo Fernández Vila
Director do Instituto Enerxético de Galicia

CVE-DOG: 9m81rif3-2zf6-zev6-7rx8-kziidw5r6ug0

